

GRATULATIONUM
ARMILLA,

Quam
V I R O
GENEROSO, PERMAGNIFICO,
Et Perquam STRENUO,
DOMINO,

**D_N. FRIDERICO
GOTTLIEB
ENGELCKE,**

REIPUBLICÆ GEDANENSIS
PRÆ-CONSULI DIGNIS-
SIMO, &c. &c.

Cum
PRÆSES SPLENDIDISSIMUS
A. MDCCVIII. XIII. Calend. April.

solenniter crearetur,
inter
catenatos labores
devotâ mente manūque
offert

JOHANNES ERNESTUS SCHRÖDERUS,
R. S. C.

GEDANI,
Typis JOHANNIS ZACHARIÆ STOLLII,



Er conata manus, ter destitit, ausaque quartò,
INCLYTE VIR, laudes continuare tuas.
Accrescunt Tituli, dum culmen crescit Honorum,
Succrescuntque simul gloria, fama, decus.
Complevit metam duodenis mensibus omnem
Cynthius, in spatium dum redit ipse suum.
Terminus hic renovat pulchrum felicitis Honoris
Augmentum, quod tunc gaudia multa dedit.
Quippe creabaris Præ-Consul dignior, omnes
Exsuperans aurâ fortis, honore pares.
Applausit natalis humus pia fascibus istis,
Et leni plausûs Vistula rore dabat.
Tecta exultabant, fundebant plurima vota,
Quæ rata concuperent, pectora læta tibi.
Vix quisquam fuit, haud illo lætatus Honore,
Et non suspiciens Te meritumque tuum.
Atque ego cum reliquis sensi quoque, marmore dignas
Virtutes meritò qui statuere tuas.
Flammato voluit testari pectore gratans
Officium pietas officiosa novum.
Concinuit laudes, virtus quas magna meretur,
At non pro merito, quod mea vena dolet.
Agnovit vires mens fracta labore minores,
Et tantis minimè laudibus esse pares.
Nec famam volui venari talibus ausis,
Contentus, si ardens conspiceretur amor.
Nec spes vana hederæ mentem lætavit amicam,
Quæ forsitan plures fallere sæpè solet.
Conatum venerans animavit pura voluntas,
Quæ sine suspectâ fraude placere cupit.
Hanc testandi iterum datur ansa, valentior ullâ,
Quam non vult cunctans non resonare Chelys.
PRÆSES enim Patriæ clarissimus ipse crearis,
Munere quo nullum dignius ora videt.

Hic

Hic est ille dies, quo summos splendida Fasces
Curia committit, **VIR GENEROSE**, Tibi.
Hæc est lux, prudens quâ munerat ordo Senatûs
Virtutes, tantum quæ meruere decus.
Hoc est jucundum tempus, quo laurea cingit
Digna caput, meritum condecoratque tuum.
Salve lux optata, dies quæsite, cupitum
Tempus, quo videor vivere posse mihi.
Has cape magnanimâ venerandas mente secures,
Ac indefessâ surge tenere manu.
Sed quid jam capias Fasces, quos antè lubenti
Cepisti dextrâ, dum moderante carent?
Cûi debebatur sublimis gloria magni
PRÆSIDIS, hunc rapuit mors malefanâ solo.
Adjunxitque **VIRUM**, cui maxima cura Scholarum
Tradita vix, nequii qui revelare Scholas.
Hos colui semper devoto pectore, quorum
Conspicua æternis nomina digna Cedris.
Hi meriti sunt, ut complerent Nestoris annos,
Vel nunquam possent, sorte volente, mori.
O fera Parcarum molimina, funera mœsta!
O cladem Patriæ prodigiumque meæ!
Ne bona nunc repetam tantorum rara Virorum,
Excellit præ aliis integritatis amor.
Amissas inter res hanc numerare licebit,
Quam tristi luget pectore quisque bonus.
Verùm, totius renovatis plausibus urbis,
Conamur luctûs dememinisse gravis.
Hos longæva **VIROS** laurus post fata coronat,
Et memoris famæ grande perennat opus.
Nos revocant Fasces, qui dextram fortiter ornant,
Nos animant Fasces, qui Tibi læta vovent.
Hos tua solenni jam ritu dextra capesit,
Ut Proceres cupiunt, justus ut ordo jubet.

Hos cape, quos pauci cāpiunt, pluresque mereri
 Possunt, ut Virtus forsque benigna favet.
 Hos cape, sufficiunt qui maxima vota replere,
 Munia qui cupidis nobiliora negant.
 Hos cape, qui fines rectè hīc dicuntur Honorum,
 Qui reduces meritum condecorare valent.
 Hi dextram Fasces ormentque armentque sacratam,
 Defendantve bonos, corripiantve malos.
 Accumules laudem, quæ, cūm istos antè teneres,
 Creverat, & radiis fulserat ampla suis,
 Augeat ille dies feliciter urbis amorem,
 Quæ de Te spondet prospera quæque sibi.
 Sit felix hic summus Honos, hoc culmen Honoris,
 Quo Te jam virtus inclyta forsque beant!
 Hic sit lætus Honos, omnique ex parte beatus,
 Nomina magnificet qui Titulosque tuos!
 Hæc exoptatâ nova prosperitate perennet
 Laurea, cui noceat nulla procella minis!
PRÆSIDE Te Pietas sincera vetusque triumphet,
 Exanguis meritum sibilet Hydra malum.
PRÆSIDE Te perstet Themidis decus atque Minervæ,
 Legitimo maneant omnia jura loco.
PRÆSIDE TE Musæ plaudant, exultet Apollo,
 Parnasfi vernans rideat amplus apex.
PRÆSIDE TE pravi paveant, justique quiescant,
 Nec quisquam timeat damna nefanda bonis.
PRÆSIDE TE virtus teneat tutissima sceptrum,
 Integritas vincens magna trophæa ferat.
PRÆSIDE TE prælarga Ceres flavescat in arvis,
 Omnigeno coelum roret ubiqve bono.
PRÆSIDE TE redeant tandem aurea secula, felix
 Pax urbem recreet, pectora, regna, solum.

